

舞陽縣志

纂修
凡例
序文
圖

卷八

舞陽縣志序



周禮小史掌邦國之志外
史掌四方之志今郡縣之
各有志彙實昉諸此凡以
察風氣之剛柔土泉之燥

舞陽縣志

序文

涇民情之厚薄似尚之淳疵
賦役之繁簡俾為治者得
轉移而化導之昔考亭先
生應仕閩浙時至以脩志為
先務良以徵文攷新有裨

於吏治不少也。舞陽為澤
樊侯食采地，泉甘土厚，實
宛北之屏藩。縣志自乾隆
乙丑年，前令丁永琪續脩，
後迄今又閱九十餘載，我

聖朝

聖相承久，道涵濡人，久蔚
起習俗，還淳當有月異而
歲不同者。及今不為脩輯，

必將湮沒不彰詎非守土之
之責耶福山王君德瑛
於道光十一年量移茲邑
為政之暇首以脩志為己任
爰取舊志重加攷訂繁者

刪之缺者補之言簡而事賅
損益沿革洞若觀火洵隸
善本書成未及付梓旋又
量移鄴下隨帶往捐
俸刊竣請序於予。既嘉

王君之知政當務尤莫後
之為治者披幘識要務求
教養之本源以與斯民相周
浹而益臻夫上理也故樂
得而為之序

道光十五年歲次乙未六月
撫豫使者長白桂良譔



舞陽縣志序

余在翰林直

國史館適奉續修一統

志之

命徵取直省府州縣志又

舞陽縣志

序文

今自乾隆四十八年

以後可備采擇者條

具其事以上而到者

寥寥豈非以蒐輯之

難其人與是故作志

難脩志更難福山王
明府以名進士出宰
中州由扶溝量移舞
陽以敦本善俗興利
捍患為己任刊發孝

經養正編等書請旌
貞節二百二十六人
固已正人心而端風
化矣未期年脩築澧
河廟潭決口堤防鞏

固盛漲無虞又於普
濟堂添收貧民若干
人邑無捐瘠治行卓
然余固心識其為良
吏也一旦以舊志湯

漉重脩邑志十二卷
發凡起例體裁嚴整
嘻雖古良史何以過
之舞邑舊有志明嘉
靖中重脩至我

朝乾隆十年凡四脩迄
今又六十餘年明府
獨操筆削訂訛補缺
綱舉目張其志疆域
也附以河防水患論

河防

序文

四

其志風土也附以厚
風俗條教皆係乎舞
民之利害休戚灼然
具有成效守斯土者
可世世法也昨歲調

繁安陽循聲如治舞
時茲以志書告成索
余一言余聞朱子之
涖南康也甫下車即
索舊志蓋志者識也


上而天文兮野下而
地輿形勝與夫古今
來忠孝節廉文章制
度學校選舉戶口賦
役胥于是乎在書曰

議事以制政乃不迷
可弗重與今明府歷
政已不愧古人而其
編摩討論續修斯志
又才學識之並優則

所謂良吏與良史明
府其無之矣爰為之
序以風學古入官者
道光十五年夏五月
賜進士出身

誥授中憲大夫河南分巡
南汝光道署理河南
等處提刑按察使前
翰林院編脩
國史館總纂

一統志纂脩掌江西道
監察御史吏科掌印
給事中王家相序



舞陽縣志凡例

一首集恭載

聖製及典禮志引會典通禮此各府州縣所應同者舊志缺陋今特詳之

一邑乘向載星野考一縣之大不及星之一度舞陽應屬房星一度附註於疆域

一四修志凡例云縣署舊址在今縣署西北明末兵燹移東市民廩今仍附載舊址用表邑中首望以俟興復有期今仍之

一四修志凡例云城池爲一邑保障金湯慎固嚴柝夜警實保甲

舞陽縣志

凡例

先聲城垣屢圯嗣葺者必登記姓名用彰前勞今仍之

一集鎮村莊極有關於政治民風故特詳載義塚爲仁政之先故特加詳

一賦役志悉遵現行冊卷徵納支銷之增減原委亦詳載顛末
一風土志附載告示六十條於民情利弊雖未能知之無遺然已思過半矣後之莅茲土者資爲芻蕘於爲治似不無裨物產不能備詳特以其習見者著之

一職官舊志不載城守似爲缺典今於遠年者考諸殘碑斷簡近年者吊查文卷悉補載之至明代知縣教職向多遺漏舛誤今

查照書院題名牌悉正之補之

一四修志凡例云職官之人名宦者已立傳特詳其餘惟梯宜人政績懋著教化宜闢師範不愧者卽未入祀悉仍而不略庶幾披圖興起無忘父母師保之寄今仍之

一人物卓卓可記者仍照本傳後起者閒列其名不敢概爲立傳亦君子愛人以德之意不敢不慎也惟節孝爲維持風化示民興感舊志建坊入祠之外尙有楊袁氏等四十一人又各紳士呈報已故現存節婦二百二十五人已遵江蘇陽武之例彙詳請旌誠爲盛舉後之續報者可附列焉

舞陽縣志

凡例

二

一舊志序文所以序舊志也查照悉載於末而以所見諸條附焉名爲誌餘

舞陽縣志目錄

卷一

聖製

卷二

疆域志

沿革 景物

星野 古蹟

縣界 市鎮

各保

村莊

山川

溝渠

卷三

建置志

城池 橋梁

公署 郵政

廟壇祠寺

學校

兵防

坊表

卷四

賦役志

田賦 加價

戶口 倉儲

起解 驛站

存支

鹽課

雜稅

河工

舞陽縣志

卷五

典禮志

朝賀

秩祀

迎春

日月食

朔望

賓興

卷六

風土志

風俗

厚風俗告示附

物產

卷七

職官志

封建 城守

知縣 名宦傳

教諭 師範傳

訓導 武職傳

縣丞

主簿

典史

卷八

選舉志

徵辟 職監

進士 雜職

舉人 武舉

副榜 武職

拔貢

歲貢

例貢

卷九

人物志

鄉賢

忠義

孝友

節孝列傳

耆壽

卷十

藝文志

卷十一

災祥志

卷十二

誌餘

舞陽縣志



目錄

二

疆

域

圖

舞陽縣志

州界八十里


西至葉縣界二十五里

西北至襄城縣界十六里

輿圖

縣陽泌至南

西南至裕



縣城襄至北

舞陽縣志卷之一

聖製

舞陽縣知縣王德瑛恭錄

天章富美

雲日昭燿弁諸卷首使斯邑臣民仰瞻

聖治之盛為之歡欣鼓舞合敬同愛之忱有不能自己者也志

聖製

世祖章皇帝訓飭士下臥碑文

順治九年

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供朝廷之用諸生

舞陽縣志

卷之一

聖製

皆當上報國恩下立人品所有教條開列於後

一 生員之家父母賢知者子當受教父母愚魯或有非為者子既讀書明理當再三懇告使父母不陷於危亡

一 生員立志當學為忠臣清官史書所載忠清事蹟務須互相講究凡利國愛民之事更宜留心

一 生員居心忠厚正直讀書方有實用出仕必作良吏若心術邪刻讀書必無成就為官必遭禍患行害人之事者往往自殺其身常宜思省

一 生員不可干求官長交結勢要希圖進身若果心善德全上天

知之必加以福

一 生員當愛身忍性凡有司官衙門不可輕入卽有切己之事止許家人代告不許干預他人詞訟他人亦不許牽連生員作證

一 爲學當尊敬先生若講說皆須誠心聽受如有未明從容再問毋妄行辯難爲師長者亦當盡心教訓勿致怠惰

一 軍民一切利病不許生員上書陳言如有一言建白以違制論黜革治罪

一 生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

舞陽縣志

卷之一

聖製

二

聖祖御書萬世師表額

康熙二十二年
頤懸大成殿

聖祖仁皇帝

至聖先師孔子贊

并序

蓋自三才建而天地不居其功一中傳而聖人代宜其蘊有行道之聖得位以綏猷有明德之聖立言以垂憲此正學所以常明人心所以不泯也粵稽往緒仰邇前徽堯舜禹湯文武遠而在上兼君師之寄行道之聖人也孔子不得位窮而在下秉刪述之權明道之聖人也行道者勲業炳於一朝明道者教思周於百世堯舜文武之後不有孔子則學術紛淆仁義澁塞斯道之失傳也久矣

後之人而欲探二帝三王之心法以爲治國平天下之準其奚所
取表焉然則孔子之爲萬古一人也審矣朕巡省東國謁祀闕里
景企滋深敬摛筆而爲贊曰

清濁有氣剛柔有質聖人參之人極以立行著習察舍道莫由惟
皇建極惟后綏猷作君作師垂統萬古曰惟堯舜禹湯文武五百
餘歲至聖挺生暨金振玉集厥大成序書刪詩定禮正樂旣窮文
繫亦嚴筆削上紹往緒下示來型道不終晦秩然大經百家紛紜
殊途異趣日月無踰鑿牆可晤孔子之道惟中與庸此心此理千
聖所同孔子之德仁義中正秉彝之良根本天性庶幾夙夜勗哉

舞陽縣志

卷之一

聖製

三

令圖遡源洙泗景躡唐虞載歷庭除式觀禮器摛毫仰贊心焉遐
企百世而上以聖爲歸百世而下以聖爲師非師夫子惟師於道
統天御世惟道爲寶泰山巖巖東海泱泱高萬仞夫子之堂孰
窺其藩孰窺其徑道不遠人克念作聖

康熙二十五年七月初四日戶部尙書文華殿大學士臣張玉書

奉

敕謹書 碑在文廟階前

聖祖仁皇帝四子贊

顏子贊

聖道早聞天資獨粹約禮博文不遷不貳一善服膺萬德來萃能
化而齊其樂一致禮樂四代治法兼備用行舍藏王佐之器
曾子贊

洙泗之傳魯以得之一貫曰唯盡學在茲明德新民止善爲期格
致誠正均平以推至德要道百行所基纂承統緒修明訓辭
子思子贊

於穆天命道之大原靜養動察庸德庸言以育萬物以贊乾坤九
經三重大法是存篤恭慎獨成德之門卷之藏密擴之無垠
孟子贊

舞陽縣志

卷之一

聖製

四

哲人既萎楊墨昌熾子輿闢之曰仁曰義性善獨闢知言養氣道
稱堯舜學屏功利煌煌七篇並垂六藝孔學攸傳禹功作配

康熙二十八年閏三月十六日戶部尙書文華殿大學士臣張玉
書奉

敕謹書

碑在文廟階前

聖祖仁皇帝聖諭十六條

康熙三十年

敦孝弟以重人倫

篤宗族以昭雍睦

和鄉黨以息爭訟

重農桑以足衣食

尙節儉以惜財用

隆學校以端士習

黜異端以崇正學

講法律以儆愚頑

明禮讓以厚風俗

務本業以定民志

訓子弟以禁非爲

息誣告以全善良

誠匿逃以免株連

完錢糧以省催科

聯保甲以弭盜賊

解讎忿以重身命

世宗憲皇帝御書生民未有扁額

雍正三年頒懸大成殿

世宗憲皇帝訓飭士子碑

雍正四年

國家建立學校原以興行教化作育人材典至渥也朕臨御以來
隆重師儒加意庠序近復慎簡學使釐剔弊端務期風教脩明賢

舞陽縣志

卷之一

聖製

五

才蔚起庶幾械樸作人之意乃比年士習未端儒效罕著雖因內
外臣工奉行未能盡善亦由爾諸生積錮已久猝難改易之故也
茲特親製訓言再加警飭爾諸生其敬聽之從來學者先立品行
次及文學學術事功源委有叙爾諸生幼聞庭訓長列宮牆朝夕
誦讀寧無講究必也躬修實踐砥勵廉隅敦孝順以事親秉忠貞
以立志窮經考業勿雜荒誕之談取友親師悉化驕盈之氣文章
歸於醇雅毋事浮華軌度式於規繩最防蕩軼于衿佩達自昔所
譏苟行止有虧雖讀書何益若夫宅心不淑行己多愆或蜚語流
言脅制官長或隱糧包訟出入公門或唆撥姦猾欺孤凌弱或招

呼朋類結社要盟乃如之人名教不容鄉黨不齒縱幸脫褫朴濫竊章縫返之於衷寧無愧乎况鄉會科名乃掄才大典關係尤鉅士子果有實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取鬻凌騰沸網利營私種種弊端深可痛恨且夫士子出身之始尤貴以正若茲厥初拜獻使已作姦犯科則異時取檢踰閑何所不至又安望其秉公持正爲國家宣猷樹績膺後先疏附之選哉朕用嘉惠爾等故不禁反復惓惓茲訓言頒到爾等務共體朕心恪遵名訓一切痛加改省爭自濯磨積行勤學以圖上進國家三年登造束帛弓旌不特爾身舞陽縣志

卷之一

聖製

六

有榮卽爾祖父亦增光寵矣逢時得志寧俟他求哉若仍視爲具文玩愒勿做毀方躍冶暴棄自甘則是爾等冥頑無知終不能率教也旣負栽培復干咎戾王章具在朕亦不能爲爾等寬矣自茲以往內而國學外面直省鄉校凡學臣師長皆有司鐸之責者並宜傳集諸生多方董勸以副朕懷否則職業勿修咎亦難追勿謂朕言之不預也爾多士尙敬聽之哉

碑在明倫堂

高宗純皇帝整飭書院成就人才論

乾隆元年

書院之制所以導進人才廣學校所不及我

世宗憲皇帝命設之省會發帑金以資膏火恩意至渥也古者鄉

學之秀始升於國然其時諸侯之國皆有學今府州縣學並建而無遞升之法國子監雖設於京師而道里遙遠四方之士不能胥會則書院卽古侯國之學也居講席者固宜老成宿望而從遊之士亦必立品勤學爭自濯磨俾相觀而善庶人才成就足備朝廷任使不負教育之意若僅攻舉業已爲儒者末務况藉爲聲氣之資游揚之具內無益於身心外無補於民物卽降而求文章成名足希古之立言者亦不多得寧養士之初旨耶該部卽行文各省督撫學政凡書院之長必選經明行修足爲多士模範者以禮聘請負笈生徒必擇鄉里秀異沉潛學問者肄業其中恃才放誕佻舞陽縣志

卷之一

聖製

七

選不羈之士不得濫入書院中酌倣白鹿洞規條立之儀節以檢束其身心倣分年讀書法予之程課使貫通乎經史有不率教者則擯斥勿畱學臣三年任滿諮訪考檢如果教術可觀人才興起各加獎勵六年之後著有成效奏請酌量議叙諸生中才器尤異者准令薦舉一二以示鼓舞特諭 碑在明倫堂

高宗純皇帝御書與天地參扁額

乾隆三年頒 懋大成殿

高宗純皇帝訓飭士子文

乾隆十年

上爲四民之首而大學者教化所先四方於是觀型焉比者衆生從而教育之董以師儒舉古人之成法規條亦旣詳備矣獨是科

名聲利之習深入人心積重難返士子所爲汲汲皇皇者惟是之
求而未嘗有志於聖賢之道不知國家以經義取士使多士由聖
賢之言體聖賢之心正欲使之爲聖賢之徒而豈沾沾焉文義之
末哉朱子同安縣論學者云學以爲己今之世父所以詔其子兄
所以勉其弟師所以教其弟子弟子之所以學舍科舉之業則無
爲也使古人之學止於如此則凡可以得志於科舉斯已爾所以
孜孜焉愛日不倦以至於死而後已者果何爲而然哉今之士惟
不知此以爲苟足以應有司之求矣則無事於汲汲爲也是以至
於惰遊而不知反終身不能有志於學而君子以爲非士之罪也

舞陽縣志

卷之二

聖製

八

使教素明於上而學素設於下則士子固將有以用其力而豈有
不勉之患哉諸君苟能致思於科舉之外而知古人之所以爲學
則將有欲罷不能者矣觀朱子此言洵古今通患夫爲己二字乃
入聖之門知爲己則所讀之書一一有益於身心而日用事物之
間存養省察闡然自修世俗之紛華靡麗無足動念何患詞賦聲
譽之能奪志哉况卽爲科舉亦無礙於聖賢之學朱子云非是科
舉累人人累科舉若高見遠識之士讀聖賢之書據吾所見爲文
以應之得失置之度外雖日日應舉亦不累也居今之世雖孔子
復生也不免應舉然豈能累孔子也朱子此言卽是科舉中爲己

之學誠能爲己則四書五經皆聖賢之精蘊體而行之爲聖賢而
有餘不能爲己則雖舉經義治事而督課之亦糟粕陳言無裨實
用浮僞與時文等耳故學者莫先於辨志志於爲己者聖賢之徒
也志於科名者世俗之陋也國家養育人才將用以致君澤民治
國平天下而囿於積習不能奮然求至於聖賢豈不謬哉朕膺君
師之任有厚望於諸生適讀朱子書見其言切中士習流弊故親
切爲諸生言之俾司教者知所以教而學者知所以學碑在明倫堂
高宗純皇帝御製平定準噶爾告成太學碑文乾隆二十年
遼矣山戎薰粥旃裘毳幕之人界以龍沙畜其驪奚雖無恆業厥

舞陽縣志

卷之一

聖製

九

有分部蓋自元黃剖判萬物芸生東夷西夷各依其地謬舉淳維
未爲理據皇古莫紀其見之書史者自周宣大原之伐秦政巨海
之築莫不畏其侵軼猶夏是虞自時歿後一二奮發之君慨然思
挫其鋒而納之宥然事不中機材不副用加以地遠無定處故嘗
勞衆費財十損一得搢紳之儒守和親介冑之士言征伐征伐則
民力竭和親則國威喪於是有守在四夷羈縻不絕地不可耕民
不可臣之言興矣然此以論漢唐宋明之中夏而非謂我皇清之
中夏也皇清荷

天之龍興東海撫華區有元之裔久屬版章歲朝貢從征狩執役

惟謹準噶爾厄魯特者本有元之臣僕叛出據西海終明世爲邊
患至噶爾丹爾而稍強吞噬鄰蕃闌入北塞我

皇祖三臨朔漠用大破其師元惡伏冥誅脅從遠遯跡毋俾遺種
於我喀爾喀厥姪策妄阿拉布坦收其遺孽僅保伊犁故嘗索俘
取地無敢不其逮夫部落滋聚乃以計襲哈密入西藏準夷之勢
於是而復張 兩朝命將問罪雖屢獲捷而庚戌之役逆子噶爾
丹策凌能用其父舊人乘我師怠掠畜於巴里坤擣營於和卜多
於是而準夷之勢大張然地旣險遠主客異焉此勞往而無利彼
亦如之故額爾德尼招之敗彼亦以彼貪利而深入也

舞陽縣志

卷之一

聖製

十

皇考謂我武旣揚不可以旣允其請和以息我衆予小子敬奉

先志無越思焉旣而噶爾丹策凌死子策妄多爾濟那木札爾策
殘喇嘛達爾濟篡奪之達瓦齊又篡奪喇嘛達爾濟而酗酒虐下
尤甚焉癸酉冬都爾伯特台吉策凌等率數萬人來歸越明年秋
輝特台吉阿睦爾撒納和碩特台吉班珠爾又率數萬人來歸朕
謂來者不可以不撫而撫之莫若因其地其俗而善循之且毋令
滋方來之患於我喀爾喀也於是議進兩路之師問彼罪魁安我
新附凡運餉等賦長行利戰之事悉備議之始熟經於庚戌之艱
者咸懼蹈轍惟大學士忠勇公傅恆見與朕同而新附諸台吉則

求之甚力朕謂犁庭掃穴卽不敢必然喀爾喀之地必不可以久
居若而人毋寧用其鋒而觀厥成卽不如志亦非所悔也故凡懸
旗命將之此概未舉行亦云偏師嘗試爲之耳塞上用兵必以秋
而阿睦爾撒納瑪木特請以春月欲乘彼馬未肥則不能懸朕謂
其言良當遂從之北路以二月丙辰西路以二月己巳各啓行哈
密瀚海向無雨今春乃大雨咸以爲時雨之師入賊境凡所過之
鄂拓克攜羊酒糗糒迎恐後五月乙亥至伊犁亦如之達瓦齊於
格登山麓結營以待兵近萬我兩將軍議以兵取則傷彼必衆彼
衆皆我衆多傷非所以體上慈也丁亥遣阿玉錫等二十五人夜
舞陽縣志

卷之一

聖製

七

斫營覘賊向賊兵大潰相蹂躪死者不可勝數來降者七千餘我
二十五人無一人受傷者達瓦齊以百餘騎竄六月庚戌回人阿
奇穆霍集斯伯克執達瓦齊來獻軍門準噶爾平是役也定議不
過二人籌事不過一年兵行不過五月無亡矢遺鏃之費大勲以
業遐壤以定豈人力哉

天也然

天垂佑而授之事機設不奉行之以致坐失者多矣可與樂成不
可與謀始亦謂蚩蚩之衆云爾豈其卿大夫之謂旣克集事則又
曰苟知其易將勸爲之夫明於事後者必將昧於幾先朕用是鑒

心只準噶爾一小部落耳一二有能爲之長而其樹也固焉一二
暴失德之長而其亡也忽焉朕用是知懼武成而勒碑文廟例也
禮臣以爲請故據實事書之其辭曰

茫茫伊犁大幹之西匪今伊昔化外羈縻條支之東大宛以南隨
畜獵獸蟻聚狼貪乃世其惡乃恃其遠或激我攻而乘我緩其計
在斯其長可窮止戈靖邊化日薰風不侵不距不來其那款關求
市亦不禁訶始慕帝珍終居奇貨吏喜無事遷就斯悞漸不可長
我豈懼其豈如宋明和市之爲旣知其然飭我邊吏弗縱弗嚴示
之節制不仁之守再世斯斯斬篡奪相仍飄忽荏苒風沙革面煎鞏
舞陽縣志

卷之一

聖製

七

披忱集泮飛鶚食騶懷音錫之爵位榮以華裾膝前而請願效前
驅兵分兩路雪甲霜鋒先導中堅如鼉錯攻益以後勁蒙古舊屬
八旗子弟其心允篤二月卜吉牙旗飄颻我騎斯騰無待折膠泉
涌於磧蕪苗於路我衆歡躍謂有

天助匪啻我衆新附亦云黃髮未覩水草富春烏魯木齊波羅他
拉台吉宰桑紛紛款納率其肥羊及馬潼酒獻其屠耆合掌雙手
予有前諭所禁侵陵以茶交易大嶮衆情衆情旣愉來者日繼春
遠瓦齊擁兵自衛依山據海惟旦夕延有近萬人其心十千勇不
目逃掄二十五日阿玉錫率往賊所衛枚夜襲直入其郭揮矛拍

馬大聲疾呼彼人既離我志斯合突將無前縱橫鞞絡按角鹿墮隴種東籠自相狼籍孰敢撻鋒狐鼠鼠逃將往異城回部遮之兇渠斯得露布既至告

廟受俘凡此歲功荷

天之衢在古周宣二年乙亥淮夷是平常武詩載越我

皇祖征噶爾丹命將禡旗亦乙亥年既符歲德允協師貞兵不血刃漠無王庭昔時準夷弗恭弗總今隨師行爲師侯尉昔時準夷日戰夜征今也偃臥知樂人生曰匪準夷曰我臣僕自今伊始安爾游牧爾牧爾耕長爾孫子曰無向非豈有今是

舞陽縣志

卷之一

聖製

三

兩朝志竟億載基成側席不遑保泰待盈

乾隆二十年歲次乙亥夏五月之吉御筆

碑在文廟戟門外

高宗純皇帝御製平定回部告成太學碑文

乾隆二十四年

建非常之功者以舉非常之事舉非常之事者以藉非常之人然亦有不藉非常之人而舉非常之事終建非常之功則賴

昊蒼篤祝神運餘旋事若禍而移福機似逆而轉順順

天者昌逆

天者亡故犁淮夷之庭掃回部之穴五年之間兩勳並集始逆疑猶未敢信終勛勳以威有威荷

天之龍在茲畏

天之鑿鑿在茲爰叙其事如左遠瓦齊之就俘也伊犁已大定矣無何而阿睦爾撒納叛彼其志本欲藉我力以成己事時也人心未定佐饗者嘗一蟻肆狂萬狙應響蜂屯蟻集不可爬梳畏難者羣謂不出所料準夷終不可取並有欲棄巴里坤爲退守謀然予計其衆志不齊將有歸正倒戈者於是督策將帥之臣整師亟進旣而伊犁諸台吉宰桑果悔過勤王思討逆賊以自贖此

天恩助順者一也二酋大小和卓木者以回部望族久爲準噶爾所拘於阿巴哈斯鄂拓者也我師旣定伊犁乃釋其囚以兵送大

舞陽縣志

卷之一

聖製

古

和卓木波羅泥都歸葉爾奇木俾統其舊屬而令小和卓木霍集占居於伊犁撫其在伊犁衆回乃小和卓木助阿逆攻勤王之台吉宰桑等阿逆賴以苟延及我師再入阿逆遂逃入哈薩克而霍集占亦卽收其餘衆竄歸舊穴此

天恩助順者二也準夷之事前旣畧見梗概茲不復紀紀興師討回之由則以我將軍兆惠在伊犁時曾遣副都統阿敏道往回議事小和卓木乃以計誘阿敏道而拘之及我師抵庫車聞罪被擄阿敏道以來援至中途害之及從行者百人彼猶逞其狂悖抗我師頗且敢冒死入庫車城乃雅爾哈善畧無紀律致彼出入自由

然我滿洲索倫衆兵士無不念國家之恩効疆場之力故能以少勝衆逆渠懼而免脫此

天恩助順者三也知償轅之無濟掄幹材之可任時將軍兆惠以揆勦準夷餘黨至布露特部落已款服其衆因命旋師定回部於是克庫車存沙爾雅定阿克蘇畧烏什收和闐師之所至降者望風直至葉爾奇木城下而我軍人馬周行萬有餘里亦猶強弩之末矣二酋以其逸待之力統數萬人與我三千餘人戰我師之過河者纔四百餘猶能斬將擐旗退而築堡黑水固守以待此

天恩助順者四也萬里之外抱水救火其何能濟乃予以去年六月即降旨派兵撥馬欲以更易久在行間者耳故兵馬率早在此

舞陽縣志

卷之一

聖製

五

一趨進而各爭前恐後人人有敵愾之憤此

天恩助順者五也副將軍富德及參贊舒赫德輩率師進援以速行戈壁中馬力復疲值狂回據險坐俟頗有難進之勢夫援軍不能進則固守以待者危矣而參贊阿里表驅後隊之馬適至夜擣賊營我師內外夾攻彼不知我軍凡有幾萬握炭流湯之途自相蹂躪顧命不暇於是解黑水之圍鹿駭騰驚遁而保窟我之兩軍合隊全旅以回阿克蘇此

天恩助順者六也旣而彼料我必再入泰山之壓難當乃於我師

未進之先擄其部落載其重器跳而遠去而葉爾奇木哈什哈爾
二城之酋伯克等遂獻城以降參贊明瑞一邀之於霍斯庫魯克
副將軍富德再陷之於阿爾楚於是離心者而內前途者反施二
酋惟挈其妻孥及舊僕近三百人入拔達克山境此

天恩助順者七也人跡不通之境語言不同之國旣已雀歐寧不
狼顧其援我與否固未可定也然一聞將軍之檄莫不援旗請奮
整旅前遮遂得凶渠函首露布遙傳此

天恩助順者八也夷考西師之役非予夙願之圖何則實以國家
幅員不爲不廣屬國不爲不多惟靡守成之志無希開拓之名兼
舞陽縣志

卷之一

聖製

其

以承平日久人習於逸旣無非常之人安能舉非常之事而建非
常之功哉然而輾轉輻輳每以艱而獲易視若失而反得故自締
始以逮定功雖予自問亦將有所不解其故而不敢期其必然者
故曰非人力也

天也夫

天如是顯佑國家者以

祖宗之敬

天愛民蒙

眷顧者深也則我後世子孫其何以心

上蒼之心志

列祖之志勉繼繩於有永保丕基於無窮乎繫以銘曰
二酋僭德始亂爲賊是興王師報怨以直伊犁旣平蕞爾奚屑徐
議耕闢徐議戍設以噢以咻伊余本懷豈其弗戢圖彼藐回彼回
不量怒臂當車戕我王臣助彼狂狙始攻庫車偵轅敗事用人弗
當至今爲愧悖逆罪重我武宜揚易將整師直壓彼疆阿蘇烏什
玉隴和闐傳檄以定肉袒羊牽二酋孽深知不可活狼狽相顧固
守其穴桓桓我師周行萬里馬不進焉強弩末矣以四百人戰萬
餘虜退猶能守黑水築堡閉信達都爲之傷悼所幸後軍早行在
道督勅速援人同怒心曾不兩月賊境逼臨賊境逼臨彼復繳隊
馬繼以進賊營夜斫出其不意賊乃大驚謂自天降孰敢鋒撻大
鞞大膊如虎搏兔案角隴種誰敢回顧黑水圍解合軍暫旋整旅
三路期并進焉賊偵軍威信不可支挈其妻孥遁投所依所依亦
回豈不自謀豈伊庇猿而受林憂利厥輜重無遺盡掠遣其都凡
遂來獻馘詎惟獻馘並以稱臣捧齋表章將詣都門奏凱班師前
歌後舞尸逐染鏑温鬲鬯鼓露布至都正逮初陽

慈寧稱慶亞歲迎祥

郊廟告成諸典並舉皇皇太學豐碑再樹豐碑再樹敢予嘉功

不得已

天眷屢蒙始之以武終之以文戡亂惟義撫衆惟仁布惠施恩寰宇共喜古不羈縻今爲臣子疆闢二萬兵出五年據實書事永矢乾乾

乾隆二十四年歲次己卯十二月之吉御筆

碑在文廟戟門外

仁宗睿皇帝御書聖集大成扁額

嘉慶五年頒懸大成殿

御書聖協時中扁額

道光二年頒懸大成殿

道光十二年七月十一日內閣奉

上諭朕恭閱雍正六年六月十七日

舞陽縣志

卷之一

聖製

六

皇曾祖世宗憲皇帝實錄內載

論內閣爲政之道以愛民爲本愛民者必須厚民之生雨暘時若百穀順成始可登蒼生於衽席然感召

天和必由於民情之舒暢而民情舒暢必由於吏治之克修從來言吏治者不外興利除弊二大端夫利之所在小民自必趨事赴功不待督率而爲者爲上者不過相導之而已至於除弊則小民所不能爲之事而專賴爲上之人時刻留心體察破積習以厚民風者也蓋地方之害莫大於貪官蠹役之朘削強紳劣衿之欺凌地棍土豪之暴橫巨盜積賊之劫奪此等之人不能化導懲戒則

百姓不獲安生假若爲大吏有司者圖寬大之名沽安靜之譽於貪官蠹役則庇護之於強紳劣衿則寬假之於地棍土豪則姑容之於巨盜積賊則疎縱之雖在己無殘害百姓之實跡而隱此害民之人令百姓暗中受其荼毒無可控訴古人云養稂莠者害禾稼惠姦宄者賊良民如此則民氣何由而舒天和何由而致乎

天以救民之任授之君臣而百姓又復敬謹尊奉胼手胝足竭力輸將以事其上爲君臣者當共思之受

天之恩奉

舞陽縣志

卷之一

聖製

九

天之命食民之食衣民之衣而乃怠忽優游不能鋤姦禁暴惜民間疾苦於度外上負

穹蒼下負百姓誠天地間之大罪人矣豈但天理有所不容卽清夜扞心當如何愧怍有牧民之責者各宜撫躬自問時加警省慎之勉之欽此

諭煌煌至爲真切凡有牧民之責者尤宜敬謹遵循實力奉行思所以舒民氣而召

天和著自督撫以至州縣各衙門俱恭錄一道懸諸大堂庶可觸目警心隨時凜省儻於四者之中偶犯其一朕言出法隨必從嚴

懲辦不少姑容以期積莠盡去嘉禾遂生民氣安恬

天心順應共臻郅治朕實有厚望焉將此通諭知之欽此

道光十二年十

二月初八日奉
到恭懸大堂

